

Communicaziun a las medias BCG

La BCG porscha gratuitamain a clientas e clients ina staziun da chargiar vehichels a motor electric

Cuira, ils 10 da matg 2016 – La Banca Chantunala Grischuna (BCG) metta uss a disposiziun gratuitamain a clientas e clients a la sedia principala a Cuira ina staziun da chargiar vehichels a motor electric. Il nov tancadi da forza electrica pon ins nizzegiar durant discurs da cussegliaziun. Cun questa mesira promova la banca l'electromobilitad e contribuescha a la protecziun da l'ambient.

Pli e pli blers umans sa decidan per in vehichel a motor electric sco med per sa mover contemporan ed ecologic. L'electromobilitad è totalmain en moda. Quai mussa era la paletta creschenta da models d'autos a motor electric. Per esser adattà per las massas mancan però tranter auter in'infrastructura che cuvra l'entir territori ed avunda pussaivladads da chargiar.

Cun la nova staziun da chargiar per vehichels a motor electric en la garascha sutterrana tar la sedia principala a la Piazza da la Posta a Cuira contribuescha la Banca Chantunala Grischuna a la promoziun da l'electromobilitad. Clientas e clients pon chargiar gratuitamain lur vehichel durant la visita en banca. La forza electrica deriva da funtaunas d'energia regenerabla, pertge che la BCG retira sia forza electrica per 100 pertschient da la forza idraulica indigena.

La Banca Chantunala Grischuna ha l'intenziun da tutgar sin il sector da la durabilitad tar las meglras bancas da la Svizra ed ella vul surpigliar responsabladad envers l'ambient e la societad. «L'electromobilitad tutga simplamain tiers», declera Hans Peter Bürge, manader dal sector Infrastructura da la BCG. Dapli davart il tema da la durabilitad è disponibel sin gkb.ch/nachhaltigkeit.

Contact per collavuratur da medias:

Banca Chantunala Grischuna, Medias & Investor Relations, Chascha postala, 7002 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa l'052 collavuraturas e collavuratur (stadi dals 31-12-2015). En il chantun Grischun cun sias numerusas vals e pliras linguas, è l'interpresa represchentada cun 61 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il quint annual preschenta ella cun ina summa da bilantscha da CHF 23,284 milliardas in gudogn dal concern da CHF 168,2 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestral 2016: 29 da fanadur 2016

Quint annual 2016: 10 da favrer 2017

Radunanza dals participants: 8 d'avrigl 2017
